

subposuimus interdicto. Vobis omnibus et singulis. Auctoritate nobis commissa distincte percipiendo Mandamus in virtute obedientie et sub excommunicationis. quam omnes illi qui Episcopi non sunt si in premissis negligentes fuerint vel remissi, ipso facto incurrant. Episcopis vero et prelati superioribus sub pena ingressus ecclesie quam in eodem modo si in premissis negligentes fuerint ipso incurrant. quatinus predictum Bartholomeum excommunicatum per nos propter causam predictam et terras ipsius ecclesiastico subpositas interdicto. publice nuncietis. vel per alios nunciari publice coram populo faciatis in ecclesiis vestris diebus singulis. dominicis et festivis. Datum Melfie, XX^o decembris III^{te} Indicionis. Sane. quia nec sic aliquid proficere potuimus predictum ipsum, sed semper ad deteriora prolabitur excommunicationis sententiam vilipendens omnino Nos certas personas secum scientes participantes. moneri fecimus. ut infra certum terminum et de cetero ab ipsius participatione et ipsum sicut excommunicatum artius evitarent. Alioquin nos ipsos ex nunc prout ex tunc in scriptis excommunicavimus vicesimo secundo decembris. III^{te} Indicionis. Sicut in licteris nostris inde confectis, plenius continetur. porro quia nichil actum putatur dum aliquid superest ad agendum ut mandatum nobis factum plenius impleatur brachium seculare ad eius contumaciam confringendam. et sententiam executionis debite demandandam. invocavimus et requisivimus per hec verba. Excellentibus. et Magnificis viris ac dominis. domino. R. Comiti Atrebatane Illuxtrissimi ac domino Karolo principi Salernitano domini Regis Sicilie primogenito ac suo in eodem Regno Vicario generali. Sinibaldus Miseratione divina Melfiensis Episcopus. cum recomandacione se ipsum. Noviter Excellentia vestra. Nos a Reverendo patre domino B. divina providentia Episcopo penestrino in Regno Sicilie Apostolice Sedis legato recepisse licteras in hac forma: B. et c. Verun quia predicti domini mandatis obediendo circa exe-